

Guangjisi Minzcu Bau

ganhhau: CN45-0036 B.2017 Nd.4 Ng.12 liggaeuq dingyoux nienz ndwensam cibroek

广西民族报

(壮文版)

主办:广西区民语委

出版:广西民族报社

出版周期:逢星期三出版

出版期数:总第3269期

Libuj Yen Minzcu Faplwd Fapgvi Senhconz Gyau- yuz Hozdung Byaijhaeu Cien Ranz Fanh Hoh

荔浦县民族法律法规宣传教育活动走进千家万户

Bi 2017 ndwen 3 doxdaeu, Libuj Yen giethab saedsaeh bonj yienh, nyinhcaen maeuzveh "ndwen senhconz minzcu doxgiet cinbu" hozdung fueng'anq, gvangqlangh fatdoengh vnzlai gak minzcu gaenxmaenx camgya minzcu faplwd fapgvi senhconz gyauyuz hozdung. Libuj Yen cawz doenggvaq meizdij gvangjbo densi, bauqceij ganhvuz, vangjan, ciengzdieg gunghung nem fuk byauhyij baengzhoengz, denswj bingzmu diemqdou gwnz gai ringxdoengh boq ok neiyungz faplwd fapgvi minzcu, hailaeb banjau cienlanz, fat cek saw senhconz daengj hingz sik guh bauqlwnh senhconz, lij doenggvaq "sam nyied sam Bouxcuengh • ciet hoengh Betgveiq" baenzdauq hozdung, dawz senhconz gyauyuz caeuq gij hozdung

vunz lai gak cuz haengi dingq gyaey yawj haenx giethab hwnjdaeu, gyaengiengz gij yauq senhconz son'gyauq faplwd fapgvi minzcu, hawj senhconz son'gyauq haeu cien ranz fanh hoh.

Libuj Yen haiguh "sam nyied sam Bouxcuengh • ciet hoengh Betgveiq" baenzdauq angqhoh hozdung, neiyungz lai cungj lai yiengh, gig miz daegsaek minzcu Libuj, cawjdaez hozdung neiyungz de langh baij le yienghsiengq caeuq vnzvai gak minzcu Libuj, doed ok fungcingz minzcu Libuj. Cujyau miz siujsoq minzcu diyz doxda, dongfeiz vanjvei, biujyienj vnzvai siujsoq minzcu, hoihfwen daengj cezmuz neiyungz.

Baez angqhoh hozdung neix cujyau comz youq Vnzvai Gvangjcaengz

Yienhsingz Libuj, Libuj Gunghyenz nem Mbanjvudwng Fudwz Cunh Dadangz Cin, Mbanjsanggauhdung Disih Cunh Majlingj Cin daengj cawjhoihciengz. Gak yanghcin mbanj, hagdangz, giyez, gihgvanh nem yienhsingz mizgven hezvei donzdij gungh 80 aen doihdaiqbuij camgya biujyienj caeuq doxda, daengx yienh gak hoihciengz biujyienj cezmuz 100 lai aen, vunz lai gak cuz daeu yawjgonz daengz 3 fanh lai bous, rengzrwd doidoengh minzcu doxgiet cinbu senhconz haeu gihgvanh, haeu lajmbanj, haeu segih, haeu hagdangz, haeu ciengzdieg cunghgyau, coicaenh Libuj ginghci hwnghat caeuq gwnzbiengz huzndei onjdingh.

(Ciengi Yi/蒋毅)

Lungzswng: Langh baij Feihvuzciz Vnzvai Yizcanj Angqhoh "Sam Nyied Sam"



龙胜:展非物质文化 遗产欢庆“三月三”

3 nyied 30 hau dwg "sam nyied sam" ngoenzciet conzdungj, beixnuengx mehmbwk Yauzcuz Mbanjyauz Vangzloz Lungzcin Cin Lungzswng Gak Cuz Swciyen ndang daenj buhvaq moqsag, yienj daemj saihwet, dajsiuq, daemj buhvaq Yauzcuz conzdungj daengj baenzdauq cezmuz daegsaek minzcu conzdungj feihvuzciz vnzvai yizcanj guekgya gaep, yinx haujai boushek bae yawj ngon. Ndaw doz dwg gyoengq mehmbwk Yauzcuz langh baij dinfwngz "feihyiz".

(Vangz Swheang/王滋创)

Ningzmingz Yen Minzyijban Caensaed Guh Ndei Hong Cuengh Gun Song Vah Saw

宁明县民语办将壮汉双语工作落到实处

Vih gaenxmaenx han'wngq doicaenh hagsib yungh Cuengh Gun song vah saw, ceng caux aen yienh senhcin Cuengh Gun song vah saw huzndei, bang doi vnzvai Byaraiz hwnghat moq, coicaenh minzcu doxgiet cinbu, youq 3 nyied 30 hau "sam nyied sam • aen denlij caeqbaij cojgoek Loegvet" hozdung seiz, Ningzmingz Yen Minzyijban caensaed guh ndei hong Cuengh Gun song vah saw.

Ningzmingz Yen Minzyijban bang

guh hong fanhoiz fuk baengzhoengz miz Cuengh Gun song cungj saw, senhconz banjau, baiz dazroen, mbawdan cezmuz, cek saw fugsah daengj. Doengzseiz, youq aen denlij caeqbaij seiz yungh LED baengzmuq beigingj guh byauhyij Cuengh Gun song cungj saw dox doiqciuq. Yienz naeuz hong lai, saenqsik lai, fanhoiz gya hoj, hoeng daengxcungq bous guhhong caez roengzrengz, ciuq seiz miz caetliengh guhsat hong fanhoiz.

Ningzmingz Yenveij, Yen Cwng-

fuj gig yawjnaek caeuq haeuicoengh hong vah saw minzcu, doed ok Cuengh Gun song vah saw huzndei, coicaenh minzcu doxgiet cinbu saehnieb, doenggvaq gak bumwnz doxgap guh hong, caenh'itbous youq "cibsam haj" geizgan daengx yienh doengzcaez doidoengh haiguh hong Cuengh Gun song vah saw huzndei, hwnjguh aen yienh guhyienh hong Cuengh Gun song vah saw huzndei.

(Liuz Yencuh Liu Hihfangh Liengz Funghgwz)

SIUSIK DINJ

简讯

● 4 nyied 2 daengz 5 hau, ciet lijyouz vnzvai minzcu Baeuqroxdoh Bak-saek Si geizgan, Denzyangz Yen Denzcouh Gujcwngz gonqlaeng banh aen vanjvei vnzvai haemh Baeuqroxdoh, beixnuengx baeuh raemx guhangq, biujyienj foux lungz foux saecij Bouxcuengh nem fouxsaux, bau aendomq daengj baenzdauq hozdung, hawj boushek gak dieg daeu yawjgonz haenx caenhcengz daejniemh fungcingz minzcu Mbanjcuengh, roxnyinh vnzvai ngaizhoengh daegbied gagmiz Bouxcuengh.

(Vangz Gozsun)

● 3 nyied 29 daengz 30 hau, Duh'anh haiguh "sam nyied sam Bouxcuengh" baenzdauq minzcu vnzvai senhconz hozdung. Hozdung neiyungz miz doiq fwen, biujyienj fungcingz minzcu, baij gigwn ndei, baij gai doxgaiq reihnaz daengj baenzdauq hozdung, fungfouq le saedceij vnzvai vunz lai gak cuz daengx yienh.

(Lanz Fuzvahn)

● 4 nyied 3 hau, Lingzyinz Yen Lozlouz Cin Mozcunh Cunh Mbanjsinhcai Mbanjyauz banh hoihfwen Lanzdenyauz gaiq daeu, gyoengq beixnuengx Lanzdenyauz daj yanghcin henzyawj caeuq Bahmaj Hozciz daeu haenx doxcomz youq gizhaenx, yungh fwen gyau youx, cienz cingz, gyalai cingzgeih, coicaenh minzcu doxgiet.

(Loz Hihhaij)

● 3 nyied 29 hau, Hwngzyen Minzcu Cunghyoz cujiz daengxcungq lauxsae hagseng hagdangz haiguh "sam nyied sam Bouxcuengh" minzcu vnzvai hozdung lai cungj lai yiengh. Hozdung neiyungz miz sam vunz haizgieg raez doxda, ringx gengxdiet doxda, bau aendomq daengj. Baez hozdung neix langh baij le gij cingzgoj swnjcienz minzcu conzdungj vnzvai, coicaenh minzcu doxgiet cinbu hagdangz.

(Vangz Gengwngh)